

12 DECEMBRIE

**PARACLISUL
SF. IERARH
SPIRIDON,
EPISCOPUL
TRIMITUNDEI
CIPRULUI**



PARACLISIERUL PE DECEMBRIE-GG



პარაკლისი წმიდისა საკვირველთმოქმედისა მამისა ჩუენისა სპირიდონისა, ტრიმიფუნტელი ეპისკოპოსისა

მღდელმან: კურთხეულ არს-ი

და უკეთუ ერისკაცია იტყვის: ლოცვითა წმიდათა მამათა ჩუენტათა, უფალო იესუ ქრისტე, ღმერთო ჩუენო, შეგვიწყალებ ჩუენ, ამინ.

ლოცვითა წმიდათა მამათა ჩუენტათა, უფალო იესუ ქრისტე, ღმერთო ჩუენო, შეგვიწყალებ ჩუენ, ამენ.

დიდებაი შენდა, ღმერთო ჩუენო, დიდებაი შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე ადავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვიდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვიწყალებ ჩუენ (3-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვიწყალებ ჩუენ; უფალო, გვიხსენ და გვილხინე ცოდვათა ჩუენტაგან; მეუფეო, შეგვიინდვენ უმჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათვის.

უფალო, შეგვიწყალებ (3-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამენ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევაი შენი, იყავნ ნებაი შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაი მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიხსნენ ჩუენ ბოროტისაგან.

მღდელმან: რამეთუ შენი არს სუფევაი...

უფალო, შეგვიწყალენ (12-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა მეუფესა და ღმერთსა ჩუენსა.

უფალო, შეისმინე ლოცვისა ჩემისაი, ყურად-ილე ვედრებაი ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებაი ჩემი, დამსუა მე ბნელსა შინა, ვითარცა მკუდარი საუკუნოი. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოვიხსენე დღეთა პირველთაი, და ვიწურთიდ ყოველთა მიმართ საქმეთა შენთა და ქმნულსა ხელთა შენთასა ვზრახევდ. განვიპყრენ შენდამი ხელნი ჩემნი, და სული ჩემი, ვითარცა ქუეყანაი ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღვიმესა. მასმინე მე განთიად წყალობაი შენი, რამეთუ მე შენ გესავ; მაუწყე მე,

უფალო, გზაი, რომელსაცა ვიდოდი, რამეთუ შენდამი აღვიღე სული ჩემი. მიხსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რაითა ვყო ნებაი შენი, რამეთუ შენ ხარ ღმერთი ჩემი; სული შენი სახიერი მიძლოდენ მე ქუეყანასა წრფელსა. სახელისა შენისათვის, უფალო, მაცხოვნო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონაი შენი ვარ.

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ალილუია, ალილუია, ალილუია, დიდებაი შენდა ღმერთო.
ალილუია, ალილუია, ალილუია, დიდებაი შენდა ღმერთო.
ალილუია, ალილუია, ალილუია, დიდებაი შენდა ღმერთო ჩუენო,
დიდებაი შენდა.

ღმერთი უფალი და გამოგვიჩნდა ჩვენ, კურთხეულ არს მომავალი სახელითა უფლისაითა.

მუხლი .ა. აუვარებდით უფალსა, რამეთუ კეთილ, რამეთუ უკუნისამდე არს წყალობაი მისი.

მუხლი .ბ. ყოველი თესლები გარე მომადგა მე, და სახელითა უფლისაითა ვერეოდე მათ.

მუხლი .გ. არა მოგვკუდე, არამედ ვცხოვნდე, და განვსთქუნე მე საქმენი უფლისანი.

მუხლი .დ. ლოდი, რომელ შეურაცხყვეს მაშენებელთა, ესე იქმნა თავ კიდეთა, უფლისა მიერ იყო ესე, და არს საკვერველ წინაშე თუალთა ჩუენტა.

ტროპარი, ჳმაჲ 4.

კანონად სარწმუნოებისა, და ხატად სიმშჯდისა, და მოძღურად მარხვისა, გყო შენ ქრისტემან სამწყსოდსა შენისათვის ჳემმარიტებით,

ამისთვისცა მოიგე სიმდაბლითა სიმალლწ და სიგლახაკითა
სიმდიდრწ, წმიდაო დიდო მღდელთმთავარო სპირიდონ, ევედრე
ქრისტესა -ღმერთსა, შეწყალებად სულთა ჩუენთათჳს.

დიდებაი მამასა და ძესა და წმიდასა სულსა.

სხუად ტროპარი, ჳმაი 1

გამოსჩნდი შენ მბრძოლად მწვალებელთა პირველსა შინა კრებასა და
საწაულთ-მოქმედ-იქმენ, ღმერთშემოსილო სპირიდონ, მამაო ჩუენო,
და მკუდარი, საფლავსა შინა მყოფი, ჳმოვან-ჳყავ და გუელი ოქროდ
შესცვალე, და ჟამსა ლოცვათა წართქმისასა ანგელოზნი
გმსახურებდეს შენ, წმიდაო, და ესრეთ ღირსად იმყოფებოდი შენ
მღდელთმთავრობისა პატივითა, დიდება, რომელმან მოგცა შენ
ძალი, დიდება, რომელმან გვრგვნოსან-გყო შენ, დიდება, რომელი
იქმს შენ მიერ ყოველთა ზედა სასწაულთა.

აწდა მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად,
უღირსნი ესე მონანი შენნი, რამეთუ არა თუმცა შენ გვფარევდი
ოხითა შენითა, ვინმცა დაგვცვნა ჩუენ აქამომდე ფლობილად;
არასადა განგეშორნეთ ჩუენ, დედოფალო კურთხეულო, რამეთუ შენ
იქსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა
მოწყალებითა შენითა აღვოცე უსჯულოებად ჩემი. უფროდს განმბანე
მე უსჯულოებისა ჩემისაგან და ცოდვათა ჩემთაგან განმწმიდე მე,
რამეთუ უსჯულოებად ჩემი მე უწყი, და ცოდვად ჩემი წინაშე ჩემსა
არს მარადის. შენ მხოლოსა შეგცოდე და ბოროტი შენ წინაშე ვყავ,
რადთა განმართლდე სიტყუათაგან შენთა და სძლო სჯასა შენსა,
რამეთუ ესერა, უსჯულოებათა შინა მიუდგა და ცოდვათა შინა მშვა
მე დედამან ჩემმან. რამეთუ ესერა, ჳეშმარიტებად შეიყუარე, უჩინონი
და დაფარულნი სიბრძნისა შენისანი გამომიცხადენ მე. მასხურო მე

უსუპითა და განვწმიდნე მე, განმბანო მე და უფროდს თოვლისა განვსპეტაკნე. მასმინო მე გალობა და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უსჯულოებანი ჩემნი აღკოცენ. გული წმიდად დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისა და სულითა მთავრობისა და დამამტკიცე მე. ვასწავლნე უსჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენა ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხრობდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გონდეს. მსხუერპლი ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენენ ზღუდენი იერუსალემისანი. მაშინ გონდეს მსხუერპლი სიმართლისა და შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

გალობა 1, უგალობდითსა, ჳმა 2

ძლისპირი: ღელვათა დაანთქა პირველად ფარაო ეტლებითურთ და აღჭურვილით ძლიერად სპარაზენით სიტყუამან მამისამან, რომელი განჯორციელდა ჩუენ ცოდვილთათჳს, რომელსა უგალობთ: ღმერთო დიდებულო, დიდებულ-ხარ.

წმიდაო, დიდო მღდელთმთავარო სპირიდონ, ევედრე ღმერთსა ჩუენტჳს.

წრფელი, მშჳდი და მოწყალე იყავ შენ, ნეტარო, შეცულ სიყუარულითა, ბრძენ და გონიერ, ყოვლითა კეთილითა განშუენებულ და შემკულ სათნოებითა, ამისთჳსცა გევედრებით:

დავსენ სულთა ჩუენტა ვნებანი აღმრულნი და ჯორცთა სალმობანი შეწევნითა შენითა.

წმიდაო, დიდო მღდელთმთავარო სპირიდონ, ევედრე ღმერთსა ჩუენტვს.

დევნულებანი თავს-იდევ სარწმუნოებისათვს ბილწთა მთავართაგან და ყოველნი მახენი მტერისანი შემუსრენ ძალითა სულისადათა, აწ მივსენ მე მაკეთა მათგან მეოხებითა შენითა, ახოვანო, და დამიცევ მე ყოვლისაგან საცთურისა.

დიდებამ მამასა და ძესა და წმიდასა სულსა.

სამწყსოდსაგან ცხოვართადასა, მსგავსად დავითისა, გამოგიყვანა შენ ღმერთმან, სანატრელო, და მწყემსად პირმეტყუელთა ცხოვართა დაგადგინა, ხოლო ეკლესიამან ტრიმიფუნტისამან, ვითა-რცა საუნჯე მრავალსასყიდლისადა, გპოვა შენ და სიხარულითა შეგიწყნარა.

აწ და მარადის და უკუნითი უკუნისამდე, ამინ.

ყოვლად წმიდაო სძალო, უხრწნელო, განანათლე და წმიდა ჰყავ გულისსიტყუადა და სული ჩემი, გევედრები, და განსდევნე არმური უგუნურებისა ჩემისადა და წყუდიადი ცოდვათა მათ ჩემთადა, რადათა ჯეროვნად გიგალობდე შენ.

გალობა 3, განძლიერდასა

ძლისპირი: კლდესა ზედა სარწმუნოებისასა დამამტკიცე და განავრცე პირი ჩემი ზედა მტერთა ჩემთა და ახარე სულსა ჩემსა, რადათა ჳმა-ვჳყო შენდა მიმართ, მხოლოო, რამეთუ არავინ არს წმიდადა შენსა გარეშე, ღმრთისა ჩემისა.

წმიდაო, დიდო მღდელთმთავარო სპირიდონ, ევედრე ღმერთსა ჩუენტვს.

პირველსა შინა კრებასა მამათასა თანაზიარ იქმენ ნიკოლოზ საკვრველთმოქმედისა, მსახურო ქრისტესსო, ღმრთისმეტყუელო სპირიდონ, და სიტყუათა მარტივთა მიერ შემკობილმან დაუსაბამოდსა მამისა ძჳ ჳმამალლად ჰქადაგე, თანაარსად და თანასწორად მამისა.

წმიდაო, დიდო მღდელთმთავარო სპირიდონ, ევედრე ღმერთსა ჩუენთჳს.

ღმრთივგანბრძნობილად გამოსჩნდი შენ, კურთხეულო ძალითა მალლისადთა, და ენითა მით საღმრთოდთა, ვითარცა შურდულითა შეთხზულითა, დაამხუე არიოზის განდგომილებაჲ, ვითარცა დავით გოლიათი, და აღამაღლენ გზრგვნი მართლ-აღმსაარებელთაჲ.

დიდება მამასა და ძესა და წმიდასა სულსა,

ჳეშმარიტი სარწმუნოებაჲ დიდებულად გამოათარგმანე შენ, მღდელთმთავარო, მღდელთმთავართა კრებულსა შორის, და ჳელთა შენთა მიერ თიხისა შთაზელვითა ცეცხლი და წყალი გამოჳხადე, და პირთა სამებობაჲ ძალითა სასწაულებრივითა ნათლად აჩუენე.

აწ და მარადის და უკუნითი უკუნისამდე, ამინ.

განჳკურნენ წყლულებანი სულისა ჩემისანი, და გონებაჲ ჩემი, დაბნელებული უდებებითა, განანათლე, ღმრთისმშობელო, რადთა გიგალობდე: არავინ არს წმიდაჲ შენებრ, უბიწოო, და უხრწნელ შენსა გარეშე, დედოფალო.

გვჳსენ განსაცდელთაგან მარადის მსასოებელნი სიწმიდისა შენისანი, წმიდაო, დიდო მღდელთმთავარო სპირიდონ, რამეთუ ჩვენ, ყოველნი შენდა მოვლტვით, ვითარცა უძლეველისა ზღუდისა და შუამდგომელისა..

მოიხილე ჩუენ ზედა, წმიდაო, საკვრველთმოქმედო მღდელთმთავარო სპირიდონ, და ჯორცთა ჩუენტა წყლულებანი ბოროტნი განჰკურნენ, და სულისა ჩუენისა სნეულებანი.

მღდელმან: შეგვიწყალებ ჩუენ, ღმერთო, დიდითა წყალობითა შენითა, კაცთმოყუარე, გევედრებით, ისმინე და შეგვიწყალებ.

გუნდი: უფალო, შეგვიწყალებ (3-გ ზის).

მღდელმან: მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტესმოყუარისა მთავრობისა და მხედრობისა მისისათვის).

გუნდი: უფალო, შეგვიწყალებ (3-გ ზის).

მღდელმან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა, დიდისა მეუფისა, მამისა ჩუენისა (სახელი), და ყოვლადუსამღდელოესისა (აქა მოიხსენეთ ადგილობრივი მღდელთმთავარი), და ყოველთა ქრისტეს მიერ ძმათა ჩუენტათვის.

გუნდი: უფალო, შეგვიწყალებ (3-გ ზის).

მღდელმან: მერმეცა ვევედრნეთ უფალსა ღმერთსა ჩუენსა, რაითა შეიწყალოს მონა ანუ მხევალი (აქა მოიხსენეთ სახელდებით ისინი, ვისთვისაც ევედრებით). განამრავლენ, უფალო, ჟამნი და წელნი ცხორებისა მათისანი და იხსენ იგინი, უფალო, ყოვლისაგან ჭირისა, რისხვისა და იწროებისა, და ყოვლისაგან წყლულებისა სულისა და ხორცთაისა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგვიწყალებ (3-გ ზის).

მღდელომან: მერმეცა გევედრებით ყოველთა მართმადიდებელთა ქრისტეანეთათვის.

გუნდი: უფალო, შეგვიწყალებ. (3-გზის).

მღდელომან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაველებთ, მამისა, და ძისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომაჲ, ჳმაჲ 8.

ქრისტჳს ეკლესიად მოძღურებითა შეამკვე და ხატებაჲ ღმრთისად საქმით განაშუენე, ღირსო მღდელომთავარო სპირიდონ, რამეთუ განბრწყინდა სოფელსა შინა სათნოებათა სიმრავლჳ და მაღლი კურნებათაჲ განანათლებს ყოველთა, ვინაჲცა სარწმუნოებითა ვდღესასწაულობთ ვსენებასა შენსა, მამაო.

გალობაჲ 4, უფალო მესმასა

ძლისპირი: მოხვედ ჩუენდა, ქალწულისაგან არა ანგელოზი, არამედ თვთ უფალი, განჯორციელებული ღმერთი, და მიჳსნენ ჩუენ ყოვლითურთ, რომელნი ვღალადებთ: დიდებაჲ ძალსა შენსა.

წმიდაო, დიდო მღდელომთავარო სპირიდონ, ევედრე ღმერთსა ჩუენტჳს.

დაადგრა შენ თანა საღმრთოდ სული საკვრველთმოქმედი, ნეტარო მამათმთავარო, და ხილვათა საღმრთოთა ღირს იქმენ ხილვად და ჳემმარიტად გამოსჩნდი მწყემსად საკვრველად.

წმიდაო, დიდო მღდელომთავარო სპირიდონ, ევედრე ღმერთსა ჩუენტჳს.

ეჭა, სასწაული საშინელი, რამეთუ ჳმა-ჳყავ რად, მეყსეულად მკუდარი გეზრახა, ვითარცა ცხოველი, და მდინარე დაყუდნა სიტყუათა შენთა ბრძანებითა, და სენი იგი მეფისად მყის განიდევნა.

დიდება მამასა და ძესა და წმიდასა სულსა.

ლოცვითა შენითა საქანელნი ცისანი განახვენ, ღირსო, და გვალვისაგან იკსენ ქუეყანად, სენთაგან კაცნი გამოიკსნენ და მკუდარნი აღადგინენ ჳემმარიტად, ღმერთშემოსილო სპირიდონ.

აწ და მარადის და უკუნითი უკუნისამდე, ამინ.

ღმრთისმეტყუელთა სიღრმე საიდუმლოთა შენთა ჳქადაგეს ყოვლად მიუწთომელად, უბრწნელო, რამეთუ გარე-შეუწერელი, განჯორციელებული ჳშევ გამოუთქმელად.

გალობად 5, ღამითგანსა

ძლისპირი: შენ, მნათობთა ნათლისა მომცემელო და განწირულთა მაცხოვარებაო, ქრისტე, მკსნელო ყოველთაო, შენდა აღვიმსთობთ, მეუფეო მშჯდობისაო, განგუანათლენ ჩუენ ნათლითა მით შენითა, რამეთუ ჩუენ შენსა გარეშე, სახიერ, სხუად ღმერთი არად ვიცით.

წმიდაო, დიდო მღდელთმთავარო სპირიდონ, ევედრე ღმერთსა ჩუენტვს.

ნაკუერცხალთა მიერ სულისა წმიდისათა აღეგზენ, ღმრთივსულიერო, და მრავალნი მიიტაცნე სარწმუნოებად ჳემმარიტისა ღმრთისა, მეცა ცოდვათაგან დაბნელებული ესე განმანათლე, და მიკსენ რწმენისაგან არა ცხოველისა და ნელ-ტფილისა.

წმიდაო, დიდო მღდელთმთავარო სპირიდონ, ევედრე ღმერთსა ჩუენტვს.

ღმრთისმსახურთა მათ მამათა ემსგავსე, ყოვლად სამღმედლო სპირიდონ, და ერი ღმრთისაჲ აცხოვნე დანთქმისაგან სულთა წარწყმედელისა, ეგრეთვე აწცა დაიფარე სატანისა მაცეთაგან და სჯულისაგან უცხოჲსა საზეპუროჲ ერი ივერიისაჲ.

დიდებაჲ მამასა და ძესა და წმიდასა სულსა.

მძლედ და მოლუაწედ ჭემმარიტად მორწმუნეთა ერსა გამოსჩნდი განსაცდელთა შინა და მარადღე ახარებდი ყოველთა გლახაკთა და დავრდომილთა, ეგრეთვე აწ ჩუენცა გუექმენ ნუგეში-ნისმცემელ და აღმაშენებელ ნაკლულევანებათა და მწუხარებათა შინა.

აწ და მარადის და უკუნითი უკუნისამდე, ამინ.

ახლად ყრმად გვშევ, ქალწულო წმიდაო, პირველ ჟამთა შობილი მამისაგან, სიტყუად მხოლოდ დაუსაბამოდ, მას ევედრე, ვითარცა ძესა და ღმერთსა შენსა, რადთა შეგვწყალნეს, რომელნი აღგიარებთ განწმედილითა გულითა ღმრთისმშობელად, ღმრთისა დედაო, ყოვლად წმიდაო.

გალობაჲ 6, ღალადყავსა

ძლისპირი: ღელვამან ცოდვისამან მომიცვა მე და მრავალსა მოწყალეებასა შენსა მოვლტი: აღმომიყუანე, სახიერ, დანთქმისაგან, ღმერთო ჩემო, გევედრები.

წმიდაო, დიდო მღმედლთმთავარო სპირიდონ, ევედრე ღმერთსა ჩუენტვს.

მწყემსისა კეთილისა იქმენ მწყემსმთავარ სარწმუნოდ, ღმრთივგანბრძნობილო, შემწვჭ ქურივთად და მამად ობოლთად, მწუხარეთა ჳელისაღმპყრობელ და მძლავრთა მამხილებელ თუალუხვავი, ღირსო.

წმიდაო, დიდო მღდელთმთავარო სპირიდონ, ევედრე ღმერთსა ჩუენთჳს.

მოძღურებისა საღმრთოდსა განმტკიცებითა სუეტად გამოსჩნდი ქრისტჳს ეკლესიისად და წინამბრძოლად სარწმუნოებისად, და ერსა ქრისტჳსსა წარუძელუ გზასა წრფელსა მართლმადიდებლობისასა.

დიდებაჲ მამასა და ძესა და წმიდასა სულსა.

აბრაჳამის უცხოთმოყუარებასა ჰბაძევდ, ღმრთივგონიერო, და ჟამსა სიყმილისასა უხუებით ზრდიდი უპოვართა, აწცა მვედრებელთა შენთა მოგუხედენ და გვკსენ მოწევნადთა ჰირთა და ურვათაგან.

აწ და მარადის და უკუნითი უკუნისამდე, ამინ.

გათა უვრცელეს იქმნა საშოდ შენი, რამეთუ ღმერთი დაიტიე, უსძლოო სძალო, რომელი დაუტევნელ არს და გარეშეუწერელ დაბადებულთაგან.

გვკსენ განსაცდელთაგან მარადის მსასოებელნი სიწმიდისა შენისანი, წმიდაო, დიდო მღდელთმთავარო სპირიდონ, რამეთუ ჩვენ, ყოველნი შენდა მოვლტვით, ვითარცა უძლეველისა ზღუდისა და შუამდგომელისა..

მოიხილე ჩუენ ზედა, წმიდაო, საკვრველთმოქმედო მღდელთმთავარო სპირიდონ, და ჳორცთა ჩუენთა წყლულებანი ბოროტნი განჰკურნენ, და სულისა ჩუენისა სნეულებანი.

მღდელმან: მერმე და მერმე მშვიდობით უფლისა მიმართ ვილოცოთ.

გუნდი: უფალო, შეგვიწყალებ.

მღდელმან: შეგუეწიენ, გუაცხოვნენ, შეგვიწყალებ და დაგუცვენ ჩუენ, ღმერთო, შენითა მადლითა.

გუნდი: უფალო, შეგვიწყალებნ.

მღდელომან: ყოვლადწმიდისა, უხრწნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომხსენებელთა, თავნი თვისნი და ურთიერთარს, და ყოველი ცხორებაი ჩუენი ქრისტესა ღმერთსა ჩუენსა შევედროთ.

გუნდი: შენ, უფალო.

მღდელომან: რამეთუ შენ ხარ მეუფე მშვიდობისაი, და მაცხოვარი სულთა ჩუენთა, და შენდა დიდებასა აღუავლენთ მამისა, და ძისა, და წმიდისა სულისა, აწ და მარადის, და უკუნითი უკუნისამდე, ამინ.

გუნდი: ამინ.

კონდაკი, ჳმაჲ 2

სურვილითა ქრისტჳსითა იღუაწე, ყოვლად სამღდელოო სპირიდონ, გონებად ფრთოვან ჰყავ, და ბრწყინვალეებითა საღმრთოდთა, ხილულისა საქმითა, უხილავნი საქმენი ჰპოვენ, ღმრთივ-სულიერო, რამეთუ მსხუერპლ შეწირულ ღმრთისა იქმენ, და კადნიერად მეოხ ხარ ჩუენ ყოველთათჳს.

იკოსი, ჳმაჲ 2

დედის წიაღითგან განწმედილსა მღდელოთმთავარსა უფლისასა ვაქებდეთ აწ, სპირიდონს, რომელმან მადლთა ფიცარნი მოიხუნა, საღმრთოდსა დიდებისანი, და საკვრველებითა ყოველთა დაბადებულთა შორის დიდებულსა, და ვითარცა მჭურვალესა თვთ-მხილველსა, და გლახაკთა წინა-მდგომელსა, და ცოდვილთა სულთა მძლუანსა, რამეთუ იგი იქმნა მსხუერპლ საღმრთოდსა ქრისტჳს საკურთხეველისა, და კადნიერად მეოხ-არს ჩუენ ყოველთათჳს.

მღდელომან: მოხედენ, სიბრძნით. წარდგომაჲ, ჳმაჲ 4

მღდელოთა შენთა შეიმოსონ სიმართლე და წმიდანი შენნი იხარებდენ.

მუხლი: პირმან მართლისამან იწუართოს სიბრძნს?

მღდელომან: უფლისა მიმართ ვილოცოთ.

გუნდი: უფალო, შეგჳწყალოენ.

მღდელომან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაგლოენტ, მამისა, და მისა და წმიდისა სულისა, აწ და მარადის, და უკუნითი უკუნისამდე,

გუნდი: ამინ.

მღდელომან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელომან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჳწყალოენ (3-გზის).

მღდელომან: სიბრძნით აღემართენით და ისმინეთ წმიდა სახარება, მშჳდობაჲ ყოველთა.

გუნდი: და სულისაგა შენისა თანა

მღდელომან: მათესაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელომან: მოხედენ.

სახარებად მათესი

ჰრქუა უფალმან თვსთა მოწაფეთა: თქვენ ხართ ნათელნი სოფლისანი. ვერ კელ-ეწიფების ქალაქსა დაფარვად მთასა ზედა დაშენებულსა. არცა აღანთიან სანთელი და დადგიან ქუეშე ხვიმირსა, არამედ სასანთლესა ზედა, და ჰნათობნ იგი ყოველთა, რომელნი იყვნიან სახლსა შინა. ეგრეთ ბრწყინევდინ ნათელი თქუენი წინაშე კაცთა, რადთა იხილნენ საქმენი თქუენნი კეთილნი და ადიდებდენ მამასა თქუენსა ზეცათასა.

დიდებად შენდა უფალო, დიდება შენდა.

დიდებად მამასა და ძესა და წმიდასა სულსა.

მეოხებითა წმიდისა მღდელთმთავრისა სპირიდონ ტრიმიფუნტელისადათა, მოწყალეო, აღვოცენ ცოდვათა ჩუენთა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისადათა, მოწყალეო, აღვოცენ ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცენ უშჯულოებად ჩემი და შემიწყალე მე, ღმერთო.

გერი: უმანკოებით აღასრულე ცხორებად შენი და სიწმიდითა გულისადათა იქმენ ჭურ პატიოსან და სამკვდრებელ სულისა წმიდისა, და იცხე საცხებელითა სიწმიდისადათა და იქმენ მღდელთმოდლუარ, და საკვრველებათა და ნიშთა მიერ, ვითარცა მზე განჰბრწყინდი. ამისთვის საღმრთოსა ვსენებასა შენსა სარწმუნოებით აღვასრულებთ, სპირიდონ ნეტარო. მეოხ გუეყავ სულთა ჩუენთათვს.

მღდელომან: აცხოვნე, ღმერთო, ერი შენი, და აკურთხე სამკუდრებელი შენი, მოხედენ სოფელსა შენსა წყალობითა და მოწყალებითა, აღამალლე რქად ქრისტეანეთა მართლმადიდებელთად, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისადათა, ძლიერებითა პატიოსნისა და ცხოველსყოფელისა ჯუარისადათა, ძლიერებითა ჯუარისა ვაზისადათა; მეოხებითა პატიოსანთა უსხეულოთა ზეცისა ძალთადათა, პატიოსნისა, დიდებულისა, წინასწარმეტყუელისა, წინამორბდისა და ნათლისმცემელისა იოანესითა, წმიდისა წინასწარმეტყუელისა ილია თეზბიტელისა და მართლისა ენუქისითა, წმიდათა დიდებულთა, და ყოვლად-ქებულთა მოციქულთა თავთა, პეტრესა და პავლესითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა და მატათასითა; წმიდისა დედისა ჩუენისა, მოციქულთა სწორისა ქალწულისა ნინოდსითა, წმიდა მოციქულთა სწორთა: მეფისა მირიანისა და დედოფლისა ნანადსი-თა; წმიდათა შორის მამათა ჩუენთა, და მსოფლიოთა დიდთა მოძღუართა და მღდელოთმთავართა, ბასილი დიდისა, გრიგოლი ღმრთისმეტყუელისა, და იოვანე ოქროპირისადათა, წმიდათა შორის მამისა ჩუენისა ნიკოლოზ მრონლუკის მთავარეპისკოპოსისა და საკვრველთმოქმედისადათა და წმიდათა დიდებულთა და ლუაწლისა-მძლეთა მოწამეთა: წმიდისა მთავარმოწამისა ძლევამომოსილისა გიორგისა და წმიდისა დიდისა მოწამისა შალვა ახალციხელისადათა; წმიდისა მთავარ-მოწამისა ბიძინასა და წმიდათა დიდებულთა მოწამეთა: შალვა და ელიზბარ ქსნის ერისთა-ვთადათა; წმიდათა დიდთა ქალწულ-მოწამეთა ბარბარესა და მარინესითა; წმიდისა ღირსისა მამისა ჩუენისა იოანე ზედაზნელისა და ათორმეტთა მისთა მოწაფეთა, მეორედ განმანათლებელთა საქართველოს ეკლესიისა და მარად მფარველთა მისთა, და მოწაფეთა შორის ღირსისა მამისა ჩვენისა დავით გარეჯელისადათა; წმიდათა სანატრელთა მამათა

ჩუენთა: ლუკიანე, დოდო, დამიანე, ონოფრე და სკუმეონ გარე-
 ჯელთა; წმიდისა მღდელ-მოწამისა ნეოფიტე ურბნელისა და
 წმიდისა დიდისა მოწამისა აბო ტფილელისაითა; ღმრთივ-
 განბრძნობილთა ნეტართა მამათა: ილარიონ ქართველისა, სერაპიონ
 ზარზმელისა და გრიგოლ ხანძთელისადათა; ღირსთა მამათა ჩუენთა
 ათონელთა: იოვანესი, გაბრიელისა, იოვანე-თორნიკყოფილისა,
 ეფთვიმისა და გიორგისადათა, წმიდათა დიდებულთა მოწამეთა
 არგვეთისა მთავართა დავით და კონსტანტინწსა, წმიდათა კეთილ-
 მორწმუნეთა და დიდთა მეფეთა ჩუენთა: ვახტანგ გორგასალისა,
 აშოტ კურაპალატისა, დავით აღმაშენებელისა და სოლომონისადათა;
 წმიდისა და კეთილმსახურისა მეფისა თამარისითა, წმიდათა
 კეთილად მძლეთა მეფეთა და დედოფალთა: არჩილ, ლუარსაბ,
 დემეტრე, შუშანიკ და ქეთევანისადათა; წმიდათა ათთა-ბევრთა
 მოწამეთა, ტფილისს ხუარაზმელთაგან მოწყუედილთა; წმიდათა
 მოწამეთა ექვსი ათასთა გარეჯელთა ბერთა; წმიდისა ილია
 მართლისადათა; წმიდათა და მართალთა მშობელთა
 ღმრთისმშობელისა იოაკიმ და ანნადსითა; და წმიდისა
 საკვრველთმოქმედისა მამისა ჩუენისა სპირიდონისა,
 ტრიმიფუნტელი ეპისკოპოსისადათა, და ყოველთა წმიდათა
 შენტადათა გევედრებით შენ, მრავა-ლმოწყალეო ღმერთო, შეისმინე
 ჩუენ ცოდვილთა ვედრებად, და შეგკწყალენ ჩუენ.

გუნდი: უფალო, შეგკწყალენ (12-გ ზის).

მღდელმან: წყალობითა და მოწყალებითა და კაცთმოყუარებითა
 მხოლოდშობილისა ძისა შენისადათა, რომლისა თანა კურთხეულ ხარ,
 თანა ყოვლადწმიდით, სახიერით, და ცხოველსმყოფელით სულით
 შენითურთ, აწ და მარადის და უკუნითი უკუნისამდე. გუნდი: ამინ.

გალობაჲ 7, კურთხეულარსა

ძლისპირი: ბრძანებამან უშჯულოდსა მძლავრისამან უფროდსად
 მოტყინარე აღაგზნა სახუმილი ყრმათათჳს და ღმერთმან

ყოველთამან ასხურა ცუარი ზეცით სამთა მათ მგალობელთა,
რომელ-იგი არს კურთხეულ უკუნისამდე.

**წმიდაო, დიდო მღდელთმთავარო სპირიდონ, ევედრე ღმერთსა
ჩუენთჳს.**

სიწმიდითა განვლე ცხორებად ესე და ექმენ მზრდელად და მწედ
უქონელთა და ღატაკთა, ხოლო სიყუარულისათჳს გლახაკთა მიმართ
გველი ოქროდ გარდასცვალე, ღმრთივ-დიდებულო, და მიჰმადლე
იგი მათ, რომელნი მოელოდებოდენ შენმიერსა შეწევნასა.

**წმიდაო, დიდო მღდელთმთავარო სპირიდონ, ევედრე ღმერთსა
ჩუენთჳს.**

ქუელისმოქმედისა ცხორებისა შენისა მიერ აღივსე საღმრთოდთა
სულითა და განაძლიერენ უძლურნი კურნებათა შენთა მადლითა, აწ
ჩუენთჳსცა ოხად ნუ დასცხრები, მჴნეო სპირიდონ, და
განგუათავისუფლენ ყოვლისაგან სენისა და სალმობისა.

დიდებად მამასა და ძესა და წმიდასა სულსა,

მადლი ხილულთა და უხილავთა მტერთა დათრგუნვისად მოიღე
ზეგარდამო და მსწრაფლ შეეწევი სულთაგან არაწმიდათა
შეპყრობილთა, ამისთჳსცა მოიხილე ჩუენ ზედა და გარე წარგვხადე
განსაცდელნი და ეშმაკთა კვეთებანი მეოხებითა შენითა.

აწ და მარადის და უკუნითი უკუნისამდე, ამინ.

ტევანი ცხორებისად გამოიღე, ვითარცა რად ვენახმან დაუსხმელმან,
ღმრთისა დედაო, რომელმან გვიწდიე ღვწოდ წმიდა-მყოფელი, და
მახარებელი გონებათად, სიმთრვალისა ბოროტისა დამჴსნელი.

გალობად 8, აკურთხევდითსა

ძლისპირი: სახუმილი იგი ცეცხლისად ბაბილონს პირველად განიზოგა ღმრთისა მიერ, რამეთუ ქალდეველნი აღისა მისისაგან შეიწუნეს, ხოლო ყრმანი შეცურეულნი იტყოდეს: აკურთხევდით საქმენი უფლისანი უფალსა.

წმიდაო, დიდო მღდელთმთავარო სპირიდონ, ევედრე ღმერთსა ჩუენთვს.

სრულ-ჰყავ რად სრბად შენი და მიიცუალე წინაშე ღმრთისა, განმარჯუებითა ბუნებისა წესთა ზედა, განუხრწნელად დაიცუნა წმიდად ნემტი შენი მეუფემან, განსამტკიცებელად მართლმადიდებელისა სარწმუნოებისა და ნიშად უკუდავებისა.

წმიდაო, დიდო მღდელთმთავარო სპირიდონ, ევედრე ღმერთსა ჩუენთვს.

აღმალდი რად ჯორცთაგან ღმრთისა სასურველისა შენისა, არადვე დაუტევენ მოსავნი შენნი, არამედ ვითარცა არწივი ფრთივ-მალწ მოვლი ყოველსა სოფელსა, განსაცდელთაგან იქსნი ურვათა და კრულებათა შინა მყოფთა და კურნებასა მიანიჭებ მთხოველთა.

დიდებად მამასა და ძესა და წმიდასა სულსა.

ჟ, დიდებული საკვრველი, სასწაულთა ელვითა უნათლეს მზისა ბრწყინავ, ყოვლად სანატრელო, და დაქსნი საღმობათა საჯუმილსა, ნუგეშინისცემ მწუხარეთა, სწყალობ უპოვართა და ყოველთა მვედრებელთა შენთა გამოუბრწყინვებ შეწევნისა შენისა საბოძვართა.

აწ და მარადის და უკუნითი უკუნისამდე, ამინ.

ვნებანი სულისა ჩემისანი განჰკურნენ სიტკბოებითა, ყოვლად საგალობელო, დაამშვდე ცხოვრებად და განანათლე სული ჩემი და წარმიმართე გზათა საღმრთოთა, დედოფალო, რადთა მარადის გაკურთხევდე შენ.

გალობა 9, ადიდებდითსა

ძლისპირი: დაუსაბამოდსაგან მამისა ძე ღმრთისაჲ გამოსჩნდა, ქალწულისაგან მცხნელად ჩუენდა განხორციელდა, განგუანათლებს დაბნელებულთა და შემოჰკრებს ერთად განბნეულთა, რადთა სარწმუნოებით მშობელსა მისსა ვადიდებდეთ.

წმიდაო, დიდო მღდელთმთავარო სპირიდონ, ევედრე ღმერთსა ჩუენტვს.

უხრწნელნი ნაწილნი შენნი უშურველად აღმოაცენებს მადლსა ჭემმარიტსა და წყალობასა, და ყოველთა აღადგინებს დიდებად ღმრთისა, რომელმან-იგი სამართლად გადიდა შენ, ბრძენო სპირიდონ, და საკვრველთმოქმედებითა და ნიშთა სიმრავლითა პატივ-გცა.

წმიდაო, დიდო მღდელთმთავარო სპირიდონ, ევედრე ღმერთსა ჩუენტვს.

ყოველსა სოფელსა აზიარებს სიხარულსა ქალაქი კერკირა, სადა აწ დაუნჯებული არს ნაწილთა შენთა წმიდაჲ ლუსკუმაჲ, და ყოველნი სარწმუნოებითა მილტოლვილნი ამბორისყოფად მისდა, მიემთხვევიან სათხოვარისა კეთილად აღსრულებასა.

დიდებაჲ მამასა და ძესა და წმიდასა სულსა,

ჟ, საქმე განსაკრთომელი, რომელიცა საღმრთომან ცხორებამან შენმან მოგმადლა, რამეთუ მკუდარი, ვითარცა ცხოველი, უმცხინვარეს მზისთუალისა ჰნათობ ყოველსა ქუეყანასა, ღმრთივსანატრელო, და ლუსკუმით გამო ჰქადაგებ ქრისტესა ღმერთსა.

აწ და მარადის და უკუნითი უკუნისამდე, ამინ.

საიდუმლოჲ დიდი, დიდებულისა შობისა შენისაჲ განაკვრვებს ანგელოზთა, ღმრთივ-მიმადლებულო, და წმიდათა გუნდსა

მოწყლავს სიყუარულითა და აღსძრავს მამათა საღმრთოდ გალობად
შენდა - ყოვლისა სოფლისა სასოდასა.

ღირს არს ჭეშმარიტად, რადთა გადიდებდეთ შენ, ღმრთისმშობელო,
რომელი მარადის სანატრელ იქმენ, ყოვლად უბიწოდ და დედად
ღმრთისა ჩუენისა, უპატოსნესსა ქერუბიმთასა და აღმატებით
უზესთაესსა სერაფიმთასა, განუხრწნელად მშობელსა სიტყვსა
ღმრთისასა, მხოლოსა ღმრთისმშობელსა გალობით გადიდებდეთ.

მღდელმან აკმიოს

ეჰა, რაბამ დიდებულ არს საცსენებელი შენი, ყოვლად ქებულო
სპირიდონ, რამეთუ ხატთა მიერ გამოწერილთა და ვედრებათა
მოკსენებული იქმ საკვრველთა, და თანამზრუნველ და მფარველ
ექმნები ქუეყანასა ზედა და ზღუათა შინა, შორიელთა და
მახლობელთა.

საკვრველებათა შენთა სიმრავლჳ, ვითარცა რად მდინარჳ წყალუხვი,
მორწყავს კიდეთა ქუეყანისათა და მსასოებელთა შენთა მიანიჭებს
ნუგეშინისცემასა და მკნეობასა, ამისთვის გულსმოდგინედ
მოკსწრაფით ტაძარსა შენსა შუენიერსა და ნაწილთა შენთა
საყოფელთა, რადთა კურნებად აღმოვივსოთ მაქებელთა შენთა.

განსაცდელთა შინა მყოფთა შემწე ხარ განმზადებულ, სპირიდონ
მღდელთმოდლუარო, და ჯელმწიფებად გაქუს განთავისუფლებად
ჩუენდა ყოველთაგან ვნებათა და ვერაგობათა მტერისადათა, აწ
დაშრიტე ერსა ჩუენსა ზედა აღძრულნი უკეთურთა ზრახვანი და
მწვალებელთა ენანი მოაუძლურენ ძალითა ქრისტჳსითა.

შენ, ქადაგსა ჭეშმარიტებისასა და ყოვლად ბრწყინვალესა მნათობსა
სოფლისასა ქებით შეგამკობთ და ვევედრებით მომცემელსა შენდა
სასწაულთა საკვრველთასა, რადთა საცთურებასა და ჭირთა
საკუმილსა შინა, ჩუენცა გუასხუროს ცუარი მადლისა შენისადა,

რადთა გული ჩუენი არა გრილ იყოს სმენად საღმრთოთა სწავლათა და დიდებად და გალობად ღმრთისა.

ჟ, ახოვანო და ღუაწლსა შინა სახელოვანო მღდელთმთავარო სპირიდონ, შეგვაწყნარე მფარველსა ერისა ჩუენისასა, ქალწულსა ღმრთისმშობელსა, რადთა არა ვიქმნეთ საყუედრელ და საცინელ მტერთა ჩუენთა, არამედ მამულისა ჩუენისა კაცთა წესისაებრ, წმიდათა არსითა და ალილუიათი უგალობდეთ სამებასა განუყოფელსა და შეურყვნელსა:

წმიდაო ღმერთო, წმიდაო ძლიერო, წმიდაო უკუდაო, შეგვწყალენ ჩუენ (3-გ ზის). დიდებად მამასა და ძესა და წმიდასა სულსა, აწ და მარადის დაუკუნითი უკუნისამდე, ამინ. ყოვლადწმიდაო სამებაო, შეგვწყალენ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვძვენ უმჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგვწყალენ (3-გ ზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებად შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიკსნენ ჩუენ ბოროტისაგან.

მღდელმან: რამეთუ შენი არს სუფევად...

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყჳს მიცემისაგან უღონო ვართ, გარნა ამას ვედრებასა შენ,

მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ.

დიდებაი მამასა და ძესა და წმიდასა სულსა

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩუენ ფრიად, და ნუცა მოიჯსენებ უმჯულოებათა ჩუენტა, არამედ მოიხილე ჩუენზედა წყალობით, ვითარცა სახიერ ხარ, და გვკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ხელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხო-რებად ნათესავისა ქრისტეანეთადასა.

მღდელომან: შეგვწყალენ ჩუენ, ღმერთო, დიდითა წყალობითა შენითა, გვედრებით, ისმინე და შეგვწყალენ.

გუნდი: უფალო, შეგვწყალენ (3-გ ზის).

მღდელომან: მერმეცა გვედრებით, წყალობისა, სიცოცხლისა, მშჯდობისა, სიმრთელისა, დღეგრძელობისა, ცხორებისა, განათლებისა, მოტევებისა, კეთილად წარმართებისა და მყუდროებისა მონისა (ანუ მხევლისა) ღმრთისა. რადთა დაიცვას უფალომან ღმერთმან ჩუენმან სამეუფოდ ქალაქი ესე ჩუენი და წმიდად ესე მონასტერი, ანუ ეკლესიად და ყოველნი ქალაქნი და სოფელნი ივერიისა სიყმილისაგან, სრჯსა, ძრჯსა, დანთქმისაგან, ცეცხლისა და მაკჯლისა, უცხო-თესლოთა ზედა მოსლვისაგან, ბრძოლისა და სიკუდიდშემოსილისა წყლოულებისა, რადთა მოწყალე გუექმნეს ჩუენ

ღმერთი კეთილად დგომისათვის სახიერებითა და კაცთმოყუარებითა თვისითა, და გარეწარაქციოს რისხუად, მარადღე ჩუენ ზედა მომავალი, და გკვსნნეს ჩუენ სამართლად ჩუენ ზედა მოწევნულისა რისხვსაგან, და შეგვწყალნეს ჩუენ.

გუნდი: უფალო, შეგვწყალენ (40-გ ზის).

მღდელომან: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენტა, და შეგვწყალენ ჩუენ, რამეთუ მოწყალე და კაცთმოყუარე ღმერთი ხარ და შენდა დიდებასა აღვავლენთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

მღდელომან: მერმე და მერმე მუკლთმოდრეკით უფლისა მიმართ ვილოცოთ.

გუნდი: ამინ.

სავედრებელი ლოცვა

ჟ, სიბრძნითა მით სარწმუნოებისადათა და საქმითა მოღუაწებისადათა განჰბრწყინებულო, დიდო მღდელთმთავარო სპირიდონ! მამათა სამკაულო, მღდელთა გვრგვნო და ანგელოზთა მოდასეო, კერკირას ზესთამბრძოლო და ჭირთა შინა ურცხვენელო ჳელის აღმპყრობელო, ღმრთისა მიმართ მეოხო და ყოველთა უპოვართა, განწირულთა და შენდამი მოლტოლვლთა შესავედრებელო, ზღუდეო და საფარველო.

ჟ, წმიდათა შორის დიდებულო და მამათა შორის კეთილმსახურებითა განბრწყინებულო, ყოვლადსაკვრველო მღდელთმთავარო სპირიდონ! ისმინე აწ სულთქუმად და ვედრებად ჩუენი და ყოვლადძლიერითა მეოხებითა შენითა წინაშე ღმრთისა

გვჯსნენ სიყმილისაგან, რღვნისა, ცეცხლისა და სიკუდილშემოსილისა წყლულებისა, რამეთუ ჟამსა ქუეყნიერისა ცხორებისა შენისასა ზედამოსლვისაგან მტერთასა და სიყმილისაგან დაიჯსნიდი ერსა შენსა, ხოლო მეფე განათავისუფლე განუკურნებელისა წყლულებისაგან და ცოდვილნი მრავალნი მოიყვანენ სინანულად, მკუდარნი აღადგინე მადლითა ღმრთისადათა, ვეცხლისმოყუარებად ძირითურთ აღმოფხუარ და მოწყალებისათჳს გუელი ოქროდსა სამკაულად შესცვალე, გლახაკთა მწყალობელ ექმენ, ჟამსა სიყმილისასა უპოვარნი უხუებითა გამოზარდე, და სარწმუნოებად ღმრთისმეტყელე შორის ღმერთშემოსილთა მამათადასა, მწვალებელნი დაამხუენ და მარტივთა და წრფელთა სიტყუათა მიერ არიოზ მგმობარი განაქიქე, და ყოვლისავე შემძლებელ იქმენ შენ მიერ შეყუარებულისა ტკბილისა იესუდასა მიერ. მას ევედრე, სანატრელო, რადთა წყალობითა მოხედოს დედისა თჳსისა წილხვდომილსა ერსა ჩუენსა, მტვრთველსა საუფლოდსა ჯუარისადასა ქუეყანასა ზედა, და დაიცვას მამული ჩუენი მტერისა საბრჯისაგან და ძმათა მტერობისაგან, რადთა არა ჰსთქუან ყოველთა, სადა არს ღმერთი მათი, რომლისა მიმართ აქუთ სასოებად.

მცხინვარებითა სიწმიდისა შენისადათა აცხოვნე, განაბრწყინვე და შეიწყალე უწმიდესი და უნეტარესი, სრულიად საქართველოდს კათალიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფე მამად ჩუენი ილია, ყოვლად სამღდელონი მიტროპოლიტნი, მთავარეპისკოპოსნი და ეპისკოპოსნი და ყოველნი სამღდელონი და სამონაზვნო წესნი, მართლმადიდებელნი მხედართმთავარნი და ქალაქ-მთავარნი, და ქრისტეს მოყუარე მკედრობად, მემუშაკენი ერისა და წმიდისა ეკლესიისა ჩუენისანი, და ყოველნი მართლმადიდებელნი ქრისტიანენი დაიფარენ, მოსახელენი და მკედრე-ბელნი შენნი ადიდე.

ჟ, ყოვლად ტკბილო და მოწყალეო მღდელომთავარო სპირიდონ, ტრიმიფუნტელო საკვრველომთაქმედო, გარდამოიხილე მოწყალითა

თუალითა ერსა ჩუენსა ზედა და ევედრე სახიერსა ღმერთსა, რადთა არა განგვირისხდეს ჩუენ უსჯულოებათაებრ ჩუენთა, არამედ მოგვაგოს ჩუენ მოწყალებისაებრ თვისისა, და მოგუმადლოს მშვიდობითი და უშფოთველი ცხობეაჲ, სიმრთელჴ სულთაჲ და ჯორცთა ჩუენთაჲ, კეთილნაყოფიერებაჲ ქუეყანისაჲ და კეთილდღეობით გვაცხოვნოს ყოველნი, რადთა წინამძღუანებულნი და დაცულნი ლოცვითა შენითა, მიწევნულ ვიქმნეთ საუკუნესა მას მშვიდობასა და შენთანა ვადიდებდეთ ღმერთსა, სამწმიდაობით დიდებულსა, მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მღდელომან: სიბრძნით ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატოსნესსა ქერუბიმთასა და აღმატებით უზესთაესსა სერაფიმთასა, განუხრჩნელად მშობელსა სიტყვისა ღმრთისასა, მხოლოსა ღმრთისმშობელსა გალობით ვადიდებდეთ.

მღდელომან: დიდებაჲ შენდა, ქრისტე ღმერთო, სასოებაო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგვწყალოენ (3-გ ზის). გვაკურთხენ.

მღდელომან: ქრისტემან, ჭეშმარიტმან ღმერთმან ჩუენმან, მეოხებითა ყოვლადუხრჩნელისა დედისა თვისისაჲთა, წმიდათა დიდებულთა და ყოვლადქებულთა მოციქულთა და (წმიდისა, რომლისაგა იყოს ტაძარი), წმიდათა და მართალთა მშობელთა ღმრთისათა იოაკიმ და ანაჲსითა, და წმიდისა საკურველთმოქმედისა მამისა ჩუენისა სპირიდონისა, ტრიმიფუნტელი ეპისკოპოსისაჲთა და ყოველთა წმიდათაჲთა შეგვწყალოენ და გუაცხოვნენ ჩუენ, ვითარცა სახიერ არს და კაცთმოყუარე.

გუნდი: ამინ.

ერისკაცმან: დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგვწყალებ (3-გ ზის).

უფალო, იესო ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, წმიდისა საკვრველთმოქმედისა მამისა ჩუენისა სპირიდონისა, ტრიმიფუნტელი ეპისკოპოსისაჲთა, და ყოველთა წმიდათაჲთა, შეგვწყალებ ჩუენ, ამინ.

განტევებისა შემდგომად ვიტყვთ დასდებელთა:

ზეგარდამოძთა ნათლითა ჰბრწყინავ, მამათმთავარო სპირიდონ, და საღმრთოძთა ძალითა კურნებასა მიჰმადლებ სულთა და ჯორცთასა, ვინაჲცა ამბორს-უყოფს ხატსა ამას სიწმიდისა შენისასა და პატივს-სცემს სანატრელს ლუსკუმსა შენსა, ვითარცა საუნჯესა სიწმიდეთა მტვრთველსა, სადაჲთ-იგი აღმოდის კურნებათა საღმრთოდ მდინარწ და დიდი წყალობაჲ.

დედოფალო მარიამ, ბრწყინვალებაო ყოველთა წმიდათაო, ლოცვითა წმიდისა მღდელთმთავრისა სპირიდონისა, ტრიმიფუნტელისა საკვრველთმოქმედისაჲთა ღირს მყვენ საუკუნოსა დიდებასა და ბრწყინვალებასა ძისა შენისა და ღმრთისა ჩუენისასა, ამინ.

ავტორ-შემდგენელი: თინათინ მჭედლიშვილი

